





石林居士建康集目錄卷第一



赴鎮建康過京口呈劉季高  
將至建康將佐出迓

再至建康

府中即事

送模歸卞山 并示憎宗義

重九參議馬君携詩相遇目次其韻

九日用去年韻寄徐諱光宗濟祝子權





望蔣山

自和

西齋太湖石

與晁激仲夜話

次韻荅激仲

再荅

又荅

邊報與山中信併至

雨夜西堂寫懷

雨夜與模論中原旦起模與徐光宗宗游清涼

觀形勢嘉其有志目以勉之

連日邊報稍希西齋默坐至夜分

獨坐讀舊書

懷山西

杜堅大夫作南憲求詩為賦

送光上人還湖南光承相吳元忠之母弟舊

光宗名諱字元常以進士入官已而棄家祝

髮云



張暘叔晁激仲相遇共話宣和間事

次韻馬參議同游蔣山

再次韻

三次韻

四次韻

劉少師園 二首

蔡子目相遇留喻月

次韻再答子目

蔡子目同前韻留別再答二首

劉太保馬軍屢捷

題蔡子目雙鳩百葉桃畫

寄徐光宗立

陳子高移官浙東戲寄

戲示幕客

章幾道將歸小飲懷謝誠父

聞邊報示諸將

虜酋復過河王師出討

遣晁公昂按行瀕江營壘



聞兀木將過淮再遣晁公昂覘師  
登南城

與陳子高夜話

送馬參議從辟劉太保

次韻馬參議留別

寄潭州謝誠父

久不飲酒厨人獻白醪却之

立秋二首

秋高申戒諸氏示幕府

題晁公毫惠崇溪山

再賦

觀化堂編校舊書

憶朱氏西澗

雨後為山亭獨卧

七夕

送王陞歸知果州

祈雨

再任後遣模歸按視石林



祈雨未應復請于茅山采山

每歲病肺去冬以來偶不作遂得安眠

聞莫尚書周侍郎已自鄂州過江入漠上

東園草堂新成

三月八日草堂獨坐

徐光宗立相過

同徐光宗立游蔣山謁寶公塔王荆公墓晚過

草堂寺周顥故宅也

明日復游石頭城清涼寺再用前韻

寄順昌劉節使

二月六日虜騎犯歷陽方出師客自吳江來

有寄聲道湖山之遠趣其歸者慨然寫懷

淮西軍連六告捷

為山亭後有小池叢石間得石螭曰以斛汲

水導注之

為山亭移植冬青成陰

小飲示幕府

卷第二





-P6



詩二

徐諱光宗濟書報嘗過俞石林

聽莫撫幹彈琴

送沈傳曜

八月二十日

偶書為山亭五首

次韻程伯禹贈趙朝請

次韻程伯禹時字韻

送表弟晁公老公海師幕

又明日復同徐光宗諱立總領吳德素運使章思

台過天禧寺兩花臺再用前韻

與光宗諱立秋話有懷石林復用前韻

用前韻送光宗諱立

為山亭晚臥

次韻方仁聲惠文編

戲方仁聲四絕句

次韻馬參謀蔣山開堂飯素

諸幕府見和復答二首





Pg



次韻馬參謀新作山亭

方參議用前韻記嘗過余石林次韻荅之

徽宗皇帝挽歌辭五首

哭趙叔問

銘

賜硯銘

新坑端石硯銘

鼎激仲琴硯銘

式井銘

似菴銘

贊

東山圖贊

法眼禪師真贊

卷第三

書後

書高居實集後

書明皇吹簫圖後

書鄒氏志欽宗諱同曾祖陰德詩後



書傷寒治要目後

書陸探微師子畫贊後

書方勺雲茅漫錄後

書唐李弼告後李氏告後關

論

蘓秦論關

范增論關

續養生論上關

續養生論中關

續養生論下關

序

程致道集序

卷第四

記

細書閣記

府學記

建康掩骼記



建康府保寧寺輪藏記

書為山亭石上

祝文

到任謁先聖文

到任謁諸廟文

祈雨寶公塔文

祈晴寶公塔文

祈晴諸廟文

謝晴寶公塔文

謝晴諸廟文

祈雨諸廟文

再祈雨諸廟文

謝雨送洞府龍神文

謝雨諸廟文

祈晴諸廟文

祈雨請寶公入城文

謝雨送寶公還山

祈晴寶公塔文



真慶集目錄  
祈雪諸廟文

祈雨請寶公入城文

謝雨送寶公還山文

謝雨送洞府龍神文

祈雨諸廟文

祈雨寶公塔文

謝雨寶公塔文

謝雨諸廟文

祭文

徽宗皇帝祭文三首

祭謝侍郎文

祭韓運使文

祭周大夫文

祭淨山主文

顯祖贈太師惠公焚黃文

顯考贈太保焚黃文

卷第五

表



謝到任表

謝傳宣撫問茶藥表

謝乞宮觀不允降詔表

賀天申節表

謝太中大夫表

賀天申節表

謝資政殿大學士表

賀明堂禮畢降赦表

賀皇太后丹寶禮成表

謝太禮加封食邑表

謝奏陳金賊退敗降詔獎諭表

謝軍寨遺火放罪表

賀天申節表

謝傳宣撫問賜茶藥表

謝再任表

謝觀文殿學士表

謝居民遺火待罪令安職表

賀天申節表



賀大朝會表

卷第六

劄子

辭免初除劄子

謝傳宣撫問賜茶藥劄子

辭免觀文殿學士劄子

奏居民遺火待罪劄子

再奏居民遺火待罪劄子

乞宮觀劄子

又乞宮觀劄子

奏狀

辭免初除第一狀

第二狀

第三狀

乞晉卞將軍廟額狀

第一次乞宮觀一狀

第二狀

第一次乞宮觀第一狀



第二狀  
第三狀

卷第七

奏狀

辭免左大中大夫狀

辭免資政殿大學士狀

辭免加封食邑狀

第三次乞宮觀第一狀

第二狀

第三狀

辭免觀文殿學士再任狀

啟狀

到任謝執政啟

回徽州魯侍郎啟

賀宣用汪相公啟

回霍經制啟

賀汪相公建節啟

回南京留守路樞密啟



回王正字啟

轉大夫大夫謝執政啟

回吉州王舍人啟

賀三京招撫劉太保啟

回信州劉侍郎啟

除資政殿大學士謝執政啟

賀張少師奏捷啟

除觀文殿學士再任謝執政啟

書

與秦相公論防冬書

又與秦相公書

又與秦相公書

卷第八終

書

與曾天游書

又與秦相公書

與梁仲謨論權貨務書

與秦相公論減梓獄事書



卷王從一教授書  
又卷王從一教授書  
卷尹穡書

碑

忠烈廟碑

傳

賀鑄傳

誌銘

夫人慕容氏誌銘

石林居士建康集卷第一

詩一

赴建康過京口呈劉季高

客路重經黃鵠前故人仍得暫留連  
長槍大劍笑安用白髮蒼顏空自憐  
照野已驚橫雉堞蔽江行見下樓  
舩灞陵醉尉無人識漫對雲峯說舊年

時季高再新城上月觀

將至建康將佐出迎

遙憐部曲遠相迎猶記當年驃騎營  
莫作揚州貴人看聲前聊聽餓鴉鳴





再至建康

老罷那知力已疲君恩誤遣出車詩犬羊可有中原  
 地熊虎空高大將旗江海百神朝魏闕風雲千里護  
 彤墀白頭再放征西將深媿甘棠詠去思  
 推轂何堪付老儒腰間仍佩玉麟符千門萬戶照天  
 闕二水三山非故廬談笑定誰能却歛衰慵真自笑  
 非夫淮南金鼓連滄海為趣嫖姚速破胡

府中即事

稍喜胡塵欲漸清離宮雙闕照層城不驚巷陌銅駝

沒自愧兒童竹馬迎衰謝巨堪仍簿領病慵久已廢  
 杯行三山不動潮頭過洵江流自不乎

口口坐笑往來頻俯仰之間迹已陳可是猶思建鄴

水却應喜近洛陽塵十年編閱三行闕

至駐蹕  
 之地  
 四海奔馳一老臣未有夷吾在江左紫車空

換兩朱輪

送模歸下山并示僧宗義為余守西巖者三首

自我離山間忽已兩改月饑人不忘食未坐先已說  
 家僮挾書至驚起慰愁絕推尋到鷄犬問訊窮曲折



此生豈多為一壑萬慮滅可能復犬錯更鑄八州鐵  
江東顧汝歸馬蹄輕初不恨觸發慙報松竹吾豈成  
八州久別

端居探出竒自謂略已編昨登西山巔雄絕昔未見  
溪湖莽吞吐雲物紛百變乃知十年閑尚或遺勝踐  
巢成輒棄去我豈秋社築南山絕頂亭為吾課童僕  
基垂成而來

開闢盡二面莫言羊腸險徑小煩屢轉杖藜不用扶  
吾脚猶爾健

生長在山間從翁守蓬戶人言膏梁子粗免污繁袴

官居無多戀整止復遽去家法恐未傳以心良已素  
義禪脫從我似識此間趣西巖鬱嵌岑久斷俗子路  
聊持山中節為我主留務封陞際湖海雲月皆所部

建康舊俗貴重九月上已諸曹皆休務祀神登  
北

蒼白仙

山叅議馬君獨不出携詩相遇因言石林之勝  
次其韻

倦飛歸鳥止思還扣戶聊分半日閑勝事漫同談栗  
里佳時休笑負龍山簿書已老無餘力香火朝真有



舊班他日尚期能過我試窮千嶂共追攀

去歲以九日期賀子忱徐光宗濟祝子權為松竹

臺之會作寒字韻詩唱酬數迄今歲郡齊獨坐

慨然有懷復用前韻寄光宗濟子權時皆在湖州

地近中原怯早寒一杯何處復追歡同尋澗壑閑誰

共強逐風塵老自難歸夢孰知元有約故情應得舊

相看閑閑且示維摩病圖畫他年付瓦官也傳頌凱之畫維摩

像皆此間瓦官寺本也

### 郡齊望將山

十年在空山未覺與世殊再來撫城郭始悟非吾廬

豈不有華屋旌旗拱上都峩冠坐清旦百里前走趨

而我麋鹿姿儻然若囚拘忽看北山岑突兀當坐隅

歡言顧之笑便欲凌崎嶇似我槿籬間層巒儼相扶

口瞻不得往起步空長吁少年四方志願眇略九區

衰慵一如此畢願終田間拙艱固應爾豈但悲老夫

### 自和

生涯一茅屋物役忘萬殊再為東諸侯作軍蒐被廬

追尋念往迹六鷁慙宋都余以請宮祠去官浩歌記土風誰



能和且趨自笑良已隘真成擬株拘聊云效知止未  
敢傷廉隅茲山閱人多龍蟠委崎嶇寄我千里目筇  
枝尚堪扶但愁見中原驚心愴嗟吁何由返我室小  
徑遵茅區未用懷遠遊蒼忙賦三閭明當秣吾馬解  
組戒僕夫

西齋初成解中舊有太湖石數十枝因植之庭

下

萬壑千巖不易求壺中聊寄小瀛州稍看碑瓦雲峯  
出便有檀欒桂英宗諱高幽絕境自知難遽忘竒蹤爭恠獨

能留山翁已老猶見戲漫擬伸眉一散愁

與晁激仲夜話

外家文采到諸郎廩之辭鋒未可當伴我何辭共戎  
馬憐君聊欲濯糟漿激仲以池州酒正從余辟殘年落寞風塵際永夜  
從<sub>二</sub>烛光祇恐偏舟吾欲去病慵無意薄淮陽

次韻荅激仲

牛諸誰逢臨汝即參軍暫肯佐戎行世緣不擬營三  
窟人事那求饋五漿春近嶺梅橫暗榮夜寒霜月落  
飛光十年情話何由盡亦以傷心嘆渭陽



丹谷

生涯久許捕魚郎，鳧雁相追不亂行。但遣陶廬有松  
徑，不辭楚酒醉椒漿。交情老柏寒方見，妙語靈珠夜  
有光。回首漸知歸路好，已看梅柳動初陽。

又荅

家聲合繼紫微郎。晁氏自文元文莊皆常歷知制誥至道復為中書舍人不獨詩同沈

鮑，行晚歲清談淹幕府。中原喜氣望壺漿，頗聞時論  
憐哀朽。空愧君恩負寵光，肯許輞川期後約。彈冠知  
不借，土陽。

閱武士回邊報與山中信併至

推牛饗士隘轅門，投老兵間強自論。稍喜並邊無牧  
馬，却慙恐帳有驚猿。乞盟似欲回天意，排難誰能報  
主恩。壯志蹉跎真便爾，獨懷搔首望丘園。

雨夜西堂獨宿

華屋非所安，憶我三間茅。閉閣傲初寒，坐聽風雨交。  
燈火微暗淡，松篁雜蕭梢。一枝寄宿鳥，自許無傾巢。  
我非乘桴翁，詎敢辭繫匏。竭來亦何事，大士從僧包。  
忽聞報嚴更，鼓鐘亂鈺鐃。慨然念故棲，此地寧久拋。



君知芥舟微但可浮杯坳去矣無更疑作詩聊自嘲  
雨夜與模論中原且起模與徐崇宗游清涼觀  
形勢嘉其有志因以勉之

千年石頭城突兀真虎踞蒼茫劫火餘尚復留故處  
大江轉洪濤騰踏不可御空城寂寞潮日莫獨東去  
登臨歎弔古俯視極千慮吾見勇過我蓐食穿沮如  
謂言撫中原未暇論割據功名亦何人我老聊自恕  
它年報國心或可借前箸無為笑頽然已飽安用飫

連日遑報稍希西齋默坐

鼓角遙聞出塞聲邊風吹鴈過高城疆陲無復戍已  
尉盜賊猶憐壬午兵歲晚胡床閉深閤夜長刁斗聽  
連營便須從此傳烽息要及春農論勸耕

獨坐不得眠讀舊書

青燈相對久無眠擁毳無人伴夜閑閉戶便能忘屢  
迹炷香時自續爐烟辭家屈指驚三月撫事關心愴  
十年漫展殘書亦安用可能猶欲絕韋編

懷西山

西山十畝強高下畧不齊嵌空抱竒秀上有凌雲梯



小屋八九間茅簷敢辭低所欣面勢好老稚通扶携  
密竹轉脩徑老松故成蹊仲冬景氣肅碧草猶萋萋  
仰視天宇大四觀渺回溪徐行信足力未畏成顛路  
用意各有遠孰云無町畦平生幾濡首末路多噬臍  
不作巢慕燕肯從觸藩羝胡為溫麾鉞坐聽鳴鼓鼙  
外物委虫臂全生思馬蹄可能三徑草歸路老更迷

杜堅大夫作南窓求詩為賦

意得不願多心閑本長虛超然適有契天地良有餘  
頗念彭澤老所懷常晏如南窓僅幾何盤薄萬古初

束帶悟已徃世紛便能疎懸知千載情共有三間廬  
杜子老不遇買田賦歸歎西山鬱挽空江山統故墟  
衡門閉松菊亦有琴子書邂逅一杯酒安知我非渠

送光上人還湖南光丞相吳元忠之母第舊名

光宗 諱字元常以進士入官已而棄家祝髮云

棄家忽若遺四海吳元常軒冕安足輕妻孥等豪芒  
古來惟仁者有勇故莫敢<sub>L</sub>張也自多慙此心焉得剛  
相君抱壯烈慷慨志亦償徒悲蕭長倩屢折終堂<sub>L</sub>  
子居真俗間袖手每在傍十載復相見掛帆上瀟湘



山間每歲正月望後梅花正開多與客飲花下  
今年郡廨獨坐十四夜張暘叔晁激仲相過共  
話宣和間事慨然歸不能寐因以寫懷

山頭野梅白玉花月明弄影紛橫斜青天無雲萬峰  
立下有十畝幽人家年々春歸不暇省但掃雪徑尋  
寒葩老夫已忘少年事燈火豈念更繁華一杯起步  
徧空谷破屋歸臥暇朝霞陪都復米亦何有凜々殺  
氣浮高牙重闔深鎖夜漏永忽記昨夢翻長嗟景龍  
門前一月會金盃賜酒餘雄誇神州陸沉近歸我漢

節方議通胡沙天翻地覆那得料忍復更聽漁陽槌

次韻馬參議同游蔣山

華屋驚隨劫火飛江山空自統邦圻靈蹤可便超千  
載妙解誰從寄一微着履尚堪窮碧落據床聊伴俯  
清輝追尋會識閑心處未怪衰翁苦憶歸

丹次韻

顏垣敗屋落花飛草々春光亦故圻但愛野塘輸淥  
淨不知風景轉清微帳空尚憶猿驚曉基廢猶傳鳳  
覽輝女几自無平賊意坐來休笑久忘歸



三次韻

荒林寂々鳥飛々舊事那容數一折山色自憐雲決  
莽暮寒猶作雨霏微談餘故喜仍在境勝端知玉有  
輝問取塔中黃面老此生何處是真歸

四次韻

雨厭殘雲暝不飛亂紅猶欲點春圻蔣陵路絕人誰  
到蕭寺庭荒迹已微偃蹇松篁空自老參差觀閣舊  
相輝令威等是千年客想有遼東獨鶴歸

偶至劉少師園二首

葉底黃鸝一再鳴故知久住識人情習家池館元無  
禁應笑山公自懶行  
老木參天拱十圍何妨桃李問相依却憐韓令功如  
許不為山丹少霽威

蔡子因相遇留踰月

解作江山一月留仲文儒雅更風流欲知爵躍心能  
喜正愛蟬連語不休築室君方論並舍子因約同  
君雪上 崑山我  
已辨扁舟交親四海今餘幾萬事傷心付白頭

次韻丹菴子因



人事紛々去不留客心空感大江流已拚瓠落真何  
用那得鐘鳴尚不休鄰里朱陳無別社江山李郭有  
同舟若為便覓昔溪路六月明珠剥芡頭

蔡子目前韻留別丹谷二首

早時物望冠陳留

蔡氏自言出陳留蔡謨後

晚悟憚心更不安流用前

身真阮籍

項有方士言子因為阮籍後身

久知此道得孫休千年會有歸

來鶴萬事元同不繫舟邂逅一菴隨地有不妨衲被

對蒙頭

已議營屯列上留稍欣群盜障橫流三時舊業終應

在萬里長征亦少休和策但令均挾纊壯圖何用焚  
舟東都自是興王地虎踞寧須問石頭

劉太保招撫淮北劉馬軍屢奏捷

先聲已起故將軍卧治何勞病使君冠帶豈能忘舊  
俗山河亦自惡妖氛羽書奏捷無留敵輿地論封有  
策勲橫槊賦詩非我事車書會復見斯文

題子因雙鳩百葉桃畫

百葉緗桃照眼明繁枝似見雨新晴故知睡足聊相  
並不作林間逐婦聲



徐光宗諱立罷吏部即官出守天台待次卞山舊居目  
寄

嵇康不作絕交書出處蕭然兩袖如錦帳不妨游省  
戶草堂還得賦郊居傾崖濺水青雲上夾道輕陰落  
絮餘亦記舊游聊待我未須催駕亦城車

陳子高移官浙東戲寄

幕府陳琳老官身戀故溪解談孫破虜那厭庾征西  
未擬煩刀筆聊應謝鼓鼙登臨如得句小字與親題

戲示幕客

不用黃金更築臺一時傾蓋盡奇材閨中豈是穰侯  
物須怕諸侯客子來

章幾道將歸小飲懷謝城父

中年甚畏別交親况復雲山舊結鄰澗谷何時同笑  
語干戈已老更風塵少留對榻耶分坐多病持杯湯  
幾巡賈傅長沙知健否洞庭波浪渺無津

聞邊報示諸將

揅羽驚傳赤白囊胡行如鬼尚跳梁頗聞廟筭無遺  
策但遣封人謹豫防送死定知天悔禍追奔寧使汝



爭疆將軍剝有封侯印盡掃無令一鏃亡  
虜首復過河王師出討

羽檄初徵天下兵誤慙一陣守王城秦兵出項終何  
得漢將征遼會掃平便遣幽燕驅號令久憐河洛汚  
羶腥書生豈解論幾事詐信平涼有劫盟  
始請議和余  
數言其不然

遣晁公昂按行頻江營壘

他日傳烽望夕烟重来老更負戎旃我言固自平平  
耳工事那辭數之然轉餉末應勞木馬摧鋒猶或要  
戈船天威本自無多殺萬一征和屬此年  
時聞虜遣烏  
陵思謨來請和

聞兀朮將過淮再遣晁公昂覘師

狂酋屢慣騁長驅未省新軍有被廬  
時張韓兩軍治師甚肅  
士極賈勇  
快飲勿辭金鑿落先聲須破鐵浮圖  
虜將下親兵皆精練號  
鐵浮圖

趨官爾自疲千里  
虜遣師往來國中號  
趨官日行數百里  
飛將吾寧較一夫試

向八公山上望當関何用守濡須  
壽陽為江淮襟喉曹操先  
得之故軍每至濡須東晉  
能保有故謝玄  
有淝水之捷云

登南城

大江南渡是長干北望清淮歲已寒廢壘至今聞鶴  
唳蒼山從古自龍蟠鬢毛白盡空看鏡髀肉銷采尚



擣鞍折箠不能笞黠虜遣口猶有漢衣冠

與陳子高夜話

鼓角開東道山川壯別京病慵憐竊食幽憤敢論兵  
廢簡鈿黃暗馳囊赤白驚衰衣聊自喜時見魯諸生

送馬參議觀國從辟劉太保

伏波老自厭壺頭壯志諸孫凜未休稍喜犬羊從絕  
塞即聞貔虎靜中州先聲早已傳推轂婉畫聊煩佐  
運籌好去劉公書一紙無忘老子南樓

次韻馬參議留別

戎車百兩去難攀秣馬前驅天石間折木舊津朔吞  
易神都新令懽寘顏傳聲已報連三捷觸熱那辭冒  
百艱束縛會看擒頡利灰釘何待執戎蠻清談一咲  
時能共妙語千篇未可刪緩帶且從黃閣卷戎冠行  
奉訖宸班分携生歎虛縣榻老病懷歸祇故山他日  
小舟能過我萬峯深處有柴關

寄潭州謝城父

南國波濤已過春稍清群盜翦荆榛孰知賈傅傾多  
士但說番君得遠民痛飲千鐘應可強傳書一紙未



能頻臺評袖裏猶多在莫枉汀洲詠白蘋  
久不飲酒厨人獻白醪却之

老大無堪百不能年來但可飲三升齊厨何用須佳  
釀莫遣征南誤見稱

立秋二首

江上西風萬里秋陰空高浪洶回流他時譽賊真非  
策豈日摧鋒盍有謀天險漫能憑故國陸沉端復恨  
神州將軍競綰封侯印誰為吾君更解憂  
蕭關隴水隔天區壯士何人是破奴一日頓傳三節

度

是日聞陝西  
三帥並建節

十年空闕五單于坐談激烈心猶在疲俗  
彫殘喘未蘇安得含箱盈百萬少令天下足軍儲

秋高申戒諸屯示幕府

草枯馬健已高秋堂上應須早伐謀傳箭猶聞聚  
蜂控弦那得犯貔貅書生會繫單于頸壯士誰吞長  
敵喉快使營平歸印綬貂蟬敢望出兜鍪

寄順昌劉節使

四海胡塵久未清遙聞苦戰有奇兵妖氛盡掃人誰  
敵捷奏初傳我亦驚授鉞已欣傳帝澤揮戈終見靜



王城軒臺固有英靈在更遣將軍得令名

二月六日虜騎犯雁陽方出師客自吳江未有

寄聲道湖山之適趣其歸者慨然寫懷

松江浪靜如鏡平菰蒲長秋水生晴沙回鴈久未  
到坐想白鷗憎眼明五年辜負釣舡約故人疑我真  
逃盟豈知塵纓不易濯正想滄浪之水清朝來鐵馬  
暗江北中流疊鼓雲濤傾樓船十萬下采石旗纛滅  
沒天戈橫書生事業今乃爾授鉞孰敢辭專征豈無  
傳撤走飛騎漫復長嘯登高城文思天子民父母大

度未忍鑿竒兵澶淵一矢安五也明日備或傳諸營

淮西軍大破賊兵連六告捷喜成口號二首

一戰聊麾十萬師西來捷報走黃旗六羸壯騎終口

去九虎將軍亦謾為賊將龍虎輔國寺將面內疲民元不改

祐臯之捷驅虜從中勝算自無遺自賊兵過淮凡指授臨軒想見

天顏喜百辟歡聲動土墀

虵豕何知闕近垆且欣鏖戰掃羶腥寄聲急走破羗

帖歸路還經征虜亭多難兵間頭更白事見放懷物

外眼終青花殘不負巖邊約更看前焚老上庭老上龍



奴地

為山亭後有小池叢石間得石螭因以斛汲水

導注之

微流自作小潺湲底處奔崖落迸泉驟喜忽聞飛雨

過却疑驚起老龍眠憑軒但遣時醒耳裂岸何須去

拍天索寞歸心誰與寄家山不到已三年

為山亭移植冬青等近遂成陰

一才蒼根手自鉏年來統屋亦扶疎客來但受清陰好

不見幽人澗下居

小飲示幕府

邊書日夜急王旅方徂征我非劉越石長嘯徒登城

緬想豺與虎行當築鯢鯨傳車日邈來風雷走天聲

連日中遣主人齋金黃旗三面至捷奏紛々橫天險限南北

長江正東傾諸君亦良苦唾口爭請纓誰云凌烟閣

自昔無書生卮酒安足辭勉當建雄名

李賀詩請君試上  
凌烟閣若箇書生

萬戶

侯



石林居士建康集卷第二

詩二

徐光宗 濟書報嘗過余石林

繞澗新添數百竿  
故人書為報平安  
似聞謾<sub>二</sub>山風響正想陰<sub>二</sub>夏  
簟寒老大不能窮  
蠹簡歸來便擬掛  
塵冠一杯且覓林間約  
莫枉山王<sub>下</sub>廢舊歡

夜聽莫撫幹彈琴  
流水操

故山不在遠  
眼想流水聲  
佳人南風手起我澗谷情  
十載厭鼙鼓  
踟塵亂鳴鉦  
蕭然洗病耳為鼓一再行



度險微斷續奔前忽琮琤淒風拉遠響薄月當微明  
亂石拱高下回環亦崢嶸吾歸正自爾猛士方西征  
年少勇過我犬羊羶王城請更平戎操盡掃河落清

送沈傳曜

下峯摩青空東望烏氏光宗諱同豈忘宿春糧終媿一款門  
邂逅此相遇傾懷得徐論人言解牛刀要使回劇煩  
未悟清器朱絃列壘尊我衰百慮息但念三畝園  
王師肅西征萬馬先雲屯何力償賜履緬慙羨歸軒  
寄聲舳舻舟想見浮鴈村清冷可尚釣無使雪水渾

八月二十日

口覺涼風入軒窻自亦幽漫能持麈尾終憶釣槎頭  
口我從添老愁予不為秋新醅知熟未衰謝茗為口  
偶書為山亭五首

為山亭下小嶺岼只欠蕭蕭竹數竿但遣飛流時秋  
玉且將歸思為翁寬

微風似与洗庭除石枕蠻藤不負余八尺方床聊已  
足可須仍要讀殘書

僚吏相衰白事稀抱琴時有弄清微何妨共倒樽中



錄不怕鳴騶問道歸  
羶穢初聞潁水清  
東君更復過蒙城  
應須鄂渚渚兵同  
入賊壘聊煩盡剗平  
使節交馳數路分  
頗知肝食念前軍  
疾須圖上金城  
策一見真曰勝百聞

次韻程伯禹贈宗室趙朝請

人物相望不並時  
使君冰鑑有真知  
未論鯉窟傾三  
語只關詩壇自一竒  
擾之干戈猶戰伐  
紛之簿領更  
喧卑應須便作高  
軒過好德何人佐我儀

次韻程伯禹用時字韻見寄二首

衰病侵尋豈故時  
暮年懷抱祇公知  
彊論出處初無  
意底有文章更好竒  
王氣山川元自壯  
歸心茅竹敢  
口口中原趣下王  
正曆盡使遺民復  
漢儀  
漢道中興此一時  
虞亡不臘甬何知  
地中鳴角無多  
恠堂上論兵固有  
竒夢櫟那求梁棟  
遠捨榆正美羽  
翰卑淮陽汲直猶  
高卧顧看簫韶集  
鳳儀

送表弟晁公老公海師幕

巖色相望數寄聲  
十年湖海最關情  
談鋒尚憶傾甥



勇鬚雪何堪數弟兄飽讀父書聊自足深知民事却  
須評揚旗且逐按舡下萬里波濤本不驚  
公老說之子罷  
遂昌令頌  
能言折東  
民事

題晁公老惠崇溪山

荒林翳宿莽脫木寒無煙不知三間茅中有幾醉眠  
山遠尚見雪江空欲吞天歸舟定何許滄波方渺然

再賦

惠崇殘筆老尤奇袖裏溪山每自隨欲識滄波無限  
意此間惟許當家知

觀化堂編校舊書

赫日真能永微風亦自涼故應便北戶何敢厭東廡  
汲水聊為戲繙書却未忙平生閑与懶併覺味兼長  
翰墨他生業山林晚歲心那知身已老但覺意增深  
捉麈誰能話扶筇可細尋晚來庭鵲喜似恐有婦音

憶朱氏西湖

澗下流泉澗上松清陰盡處有層峯應知六月冰壺  
外未許人間得躡逢  
憶向中流置竹床萬錢無處買清涼只今路斷無來



客自撥新篘醉幾場

大雨後為山亭獨卧

過雨虛簷氣稍清臥聞刁斗起連營  
幾看簿月當軒  
過驚見陰蟲繞砌鳴  
洵之南江浮靜夜寥之北斗掛  
高城白頭心事今如許慙愧兒童話請纓

七夕

七夕仍殘暑三年記此宵  
傍簷依嶺月欹枕聽江潮  
瓠大何妨拙槎迴未覺  
遙可須論乞巧河漢望星橋

送王陞歸知果州

何處西南是果州黃甘殊勝木奴洲  
使君自喜知閭近騷客仍憐井邑幽  
盜賊燕秦猶未息山川楚越已先秋  
原頭兵馬今多少更與將軍論木牛

祈雨

老農酣歌望捫腹早魃何為敢予毒  
九淵再拜款神龍仰望但見屯雲族  
天公愛民亦自惜我愧無功神弗福  
願者一洗注天瓢未須震暴如車軸

今年淮西蹙胡騎王師盡掃無餘類  
武王伐紂報豐年今者驕陽豈天意  
求東三茅西來石塔中至人肯



徒視明朝掣電駭翻盆婦子猶能飽遺滯

再任後遣模歸按視石林四首

巖石三年別君恩未許歸從誰尋草徑為我款荆扉  
舊繞山千疊新添竹一園故人如見問端欲掛朝衣  
白髮萱堂上孩兒更共懷弄孫那得見將母竟難諧  
已絕功名望猶疑出處乖此心終未穩何處復安排  
揅架環千軸傳家有舊書展舒慙几案涼曝闕庭除  
破屋防懸溜殘編足蠹魚好須重檢校扁鎖莫令踈  
細路穿南嶺新松幾許長毋庸馳馬足抵疑轉羊腸

便作高亭好初非亂石妨兩溪渾在眼似欲見帆檣

祈雨未應復請於茅山采石庶幾得遂之

苗當七八月之間甘膏不濡何太慳飛塵蓬勃畫欲  
暝坐睨雲物占群山五日一風十日雨天方勤民輔

明主作書未敢頌風伯寄謝群龍少勞苦

群龍分馳不難興

俗語青吉日以後為分龍日

噴薄雲霧隨飛騰中田

勿憂龜兆坼倏忽便看溝塍盈老農何功報神力但  
趣官租飽軍食中原卷盡胡無人甬土明年更開闢  
余每歲病肺往來坐且去冬以來偶不作遂得



安眠

衰殘每苦病相纏，粗喜今年勝去年。  
未說清樽酬口醉，且欣高枕得安眠。  
風塵不報邊烽入，聖澤頻聞好語傳。  
時詔書屢下存撫江此流人可是淮陽真卧治，滿囊空費大農錢。

聞莫尚書周侍郎已自鄂州過江入漢上

再見狂胡欲請平，將軍無事罷屯營。  
傳軍已割淮堦地，牙帳仍次鄂渚兵。  
勝日身猶堪杖策，衰年耳自厭鳴鉦。  
角巾初了東歸約，安用區區峴首名。

東園作草堂新成二首

官舍如何有草堂，野人藜處是難忘。  
池開月映千山迥，檻靜風生六月涼。  
幽徑也從穿別圃，小舟還似過橫塘。  
深知幕府文書省，盡付甘眠亦未妨。

密覆荒茅已數重，中開別戶更相容。  
苦無公事妨人

樂，多有清閑借客慵。  
南浦潮平分賸水，堂前池與河相通北山路

近得松青，近栽北山松百本惟翁歸意何能緩。  
新築高臺見卧龍

園中舊不見曰積土作臺遂見蔣山

三月八日草堂獨坐

四年身不到，吾廬底處仍堪話。  
左符閉閣漫憐公事



少投簪敢說宦情無  
軍聲早已吞窮寨  
使指何時反  
舊都故作茅堂開  
水檻要知心自在江湖

光宗  
徐諦立相遇

茅齋一曲傍寒灣  
邂逅終年伴我閑  
契闊易驚成歲月  
追尋空復望江山暫留客枕聽疎雨  
時久旱方得雨遙想吾廬掩  
舊閑落莫歸心誰與話  
坐談聊為起衰顏

光宗  
同諦立游蔣山謁寶公塔王荆公墓晚過草堂

寺周顒故宅也

我居在城府再至俄二年  
豈無山水心可奈簿領纏

今晨偶乘輿適此賓  
從賢零雨洗驕陽  
谷中聽流泉  
憑高快速覽正見江浮天  
至人本無心  
與我常周旋

誰云喚不應汝意自不虔

余自到鎮每兩賜祈室公塔未嘗不應

麥隴稍已

滋橫水漲微連佳城倚華表  
拱木埋貂蟬暮過草堂  
寺借榻聊暫眠不復聞怨鶴  
茅但連延歸路淺落  
日群峯鬱相先  
回風送遠響虛里  
生晚煙吾廬悵何  
許東望良慨然

明日復游石頭城  
清涼寺再用前韻

大江洶西來故國今幾年  
我衰倦登臨坐愧雙行纏



忽驚山陰集邂逅來群賢俛仰吊前古高談注淵泉  
千巖過宿雨餘潤滋麥天顏顏翳崖壁過午不得旋  
像佛再經始時兵火後寺盡毀此邦心亦度稍欣臺殿新廢  
沼依淪漣坐懷馬化龍僅作蜉蝣捕蟬相傾走掣電詎  
暇安枕眠六飛蹇東巡恨甬不少延蘘胡久凋殘屈  
已今我先衰憊乘一障無功記凌煙乞身自茲始此  
計君儻然

又明日復同光宗立總領吳德素運使章思召過  
天禧寺登雨花臺再用前韻

言經朱雀桁復度白雞羊去歲謝公可不見廢壘蔓草  
纏三日瞰垆牧所懷多昔賢坡陀北城光宗城北有誰可  
作九泉石頭控崢嶸目盡西南天定都記孔明赤壁  
方凱旋孫權定都孔惟初鼎足計用意良已度更作長和  
行秦淮亂清漣殘春掃餘花密葉未有蟬高臺畧四  
遠綠野浮草眠午陰久未移幽景為我延使君固不  
凡况有嘉客先老大百念息爨餘豈遺煙了知塵外  
心本自無間然

與光宗立夜話有懷石林復用前韻



有山不能歸坐愧三十年

余營石林令幾三十年矣

冠服豈不營俎

猿強包纏惟餘緇衣心未敢忘賢之他日得吾子匣  
藏駭龍泉哀顏為興起以腸寧非天羯胡玩兵久亦  
悟終好旋扣關復請吏搖尾志頗處休兵固有奇撫  
事猶涕漣投懷幸傾瀉知子非寒蟬十日對榻語夜  
寤了無眠賈生持宣室趣席方招延願上治安策何  
者今當先我行返故廬趺坐看爐烟功名會及時佇  
子論燕然

用前韻送

光宗立

畏作親友別况復非中年身如三眠蚕已老翻自纏  
竭來守江關從事寧獨賢經年兩大入燧火通甘泉  
石林豈壺中亦自有一天采薇敢言勤誰與歌勞旋  
上書苦析袞傾寫志已度坐懷北山巖未見西溪漣  
人言搏風鵬不及翳葉蟬共挽携手客可忘曲肱眠  
首巖信禿翁胡為上遷延子來幸暖鞞愧我一飯先  
請詩侶鳴玉想見藍田煙索去何乃遽臨分重依然

為山亭晚臥

瘦石聊吾伴遙山更爾瞻泉聲分寂歷草色借廉纖



玉粒時能飽霜毛日更添平生踈懶意况與病同兼

次韻方仁聲惠文編

他年落筆坐<sup>生</sup>風下舍諾即敢長雄操縵不能陪衆  
斷手輪終自付良工鏡湖漫憶歸狂客漢上誰從過  
德公會向南溪尋舊約別開小徑共相通

戲方仁聲四絕句

戲弄扁舟泊宅村却尋三徑築茅<sup>光宗</sup>諱雲邊此意真誰

解賸作新詩與細論

水檻新開似浣花傍溪湏更作浮槎祇應屢費玉宏

酒時要清樽對落霞

不惜囊錢信手空荒田却擬望年豐天公可是憐風  
月判遣詩人一例窮

盧橘揚梅已及時我歸先自在前期平生不作宣明  
面浪愧將軍建鼓旗

仁聲舊居城東泊宅村張志和常所游也今徙

西溪作雲茅菴因東崗為小亭號茅<sup>光宗</sup>諱欲傍溪

開水檻久無資會郡守有饋之酒五十壺不敢

飲亟易之乃克成有田數十畝常苦下潦余居



石林與雲茅南北正相望故四章皆及之云

次韻馬參謀蔣山開堂飯素

邂逅聯憑法供真茲山誰謂我非鄰相追更喜向杖  
策得意遙知了斷輪幽事要須塵外侶好詩仍惜境  
中人歸來袖裏傳新句驚放巖花作小春

諸幕府見和復答二首

一勺清甘寄悟真

八功德水在定林寺  
址宋舊名悟真寺

覺城東路更口鄰臺

傾劫火無遺燼

寺經兵  
火盡焚

地轉奔風有伏輪但遺籃輿從

來守深知幕府盡詩人登臨莫忘千秋意不必山陰

記暮春

欲眠遣客咲吾真愛酒空床羨汝鄰  
歸討口甘從短帽倦塗何止畏奔輪  
高車不用三千客淨社須期十  
八人尚許一樽仍破戒黃相催釀  
洞庭春

是日客舍者二十餘  
人以希集不置

次韻馬參謀新作山亭

家山千仞聳亭下夢繞茗溪十里青  
苦厭簿書迷老景坐懷丘壑寄頽齡  
稚川可復尋句漏靈運能忘過水寧  
疊石且從開小徑寒苦仍喜報餘馨  
天上未擬藏遺巧物態何曾有遁形  
散策便思穿窈窕沉鉤真



欲釣清冷已看袖裡携東海端向籬中得畫屏半世  
生涯皆福地不妨歸更侍祠庭

余前後領崇福明道洞霄官祠  
九任二十年時方又上章乞歸

方參議用前韻記嘗過余石林次韻答之

不復襄陽寫孟亭卓齋人道是丹青那知客自從文  
舉但恠山能養伯齡世味無多真潦倒歸心欲寄每  
丁寧遙聞徑竹添新影更想巖花作遠馨夜鶴未應  
真怨別江鷗須信久忘形地偏故逐淵明遠風好常  
隨禦寇冷癡坐正憐塵滿素醉眠終倚石為屏瀛州  
學士煩追賦尚記滄波接洞庭

下山後即太湖正與洞庭東西  
兩山相望

徽宗皇帝挽歌詞五首

制作三上舊憂勤一紀餘豈惟成禮樂真欲混車書  
黼宸猶丹陛颺輪忽紫虛帝鄉歸路穩無復顧樓居  
帝業承瓜瓞天倫映棣華千年垂接統四海自為家  
畢即終何恨蒼梧激已賒廟壩驚指顧行路泣悲茄  
脫屣初無戀遺弓故不忘金盤徒自聳玉椀且深藏  
付託歸真主經營有舊章栢城森渭水空愧寢中郎  
卜宅軒臺近因山禹穴深綴衣驚在匣黃屋本無心  
海澗青雲隔天高白日沉秋風無馬跡惆悵屬車音



浴殿陪書詔甘泉添侍臣虛傳遊帝所不復從時巡  
効死終何日餘生漫此身攀髯如已矣揮涕灑江濱

哭趙叔問

劉氏盤石宗略分天下半斯文獨更生落々分族冠  
探書到千古極意在理亂故宜蕭長倩憂國共長筭  
我懷崇蘭君多學真一貫束髮踵癯儒長檠媚空案  
曾中行秘書領畧能默斷埋光久不暴玉石終自判  
中年立周行杞梓見脩榦雍容視出處未可亟招喚  
坐令護都水不特羨先漢荷囊侍丹宸正訝歸稍緩

口為棄天閑一往謝羈絆黃壚閉白玉萬事風雨散  
計未為失聲涕落傷老伴孰知錦囊心無復銀鈎腕  
柯山眇何許日月忽已換平生渾金質反覆要熟看  
口寶琢寒泓誰口撫遺玩尚有千字碑臨風寄長嘆  
叔問三衢新居號崇蘭館字畫猶妙嘗硯甚富皆奇程致道作理銘叙其事甚詳

銘

賜硯銘

紹興己未六月臣某待罪建康之明年 皇帝以所  
嘗御硯賜臣某謹再拜稽首而為之銘曰



咸池之淵奎鉤所直發為天地號令攸出惟泰山雲  
虜寸萬方帝澤之儲而臣之藏

新坑端硯銘

望之盎然不耀其光即之矐然不暴其剛下巖之澤  
竭取之其陽是為雲者仍耶猶以見其祖之良

李師蘭硯銘

靡之忽利挹之勿槁毋慢其藏不貪之寶

晁激仲琴硯銘

鳴不為球拱不為壁有軫匪經寓以盈尺孰謂大者

訖藏無聲勉子筆端發其鑑轟

二井銘

紹興壬戌六月甲子建康府新作二井於州沼前銘

曰

予者不窮取者不爭用惠我民以安其生毋賣其煩  
毋厭其多我民資之視彼濤波

右左銘

吏之勤民如井日勗民之從吏如井日趨惟吏與民  
毋或自戾敝則甃之以閱百世



右右銘  
似菴銘

草堂東北隅有地四大結茅為小菴時方求歸未遂  
或曰甚有似乎吾廬也乃名之似菴而為之銘曰  
惟大匪肖其似者誰曰似之非我敢期穹然覆盂  
甚狹而廣請視吾廬為一為兩

贊

東山圖贊

龍眠李伯時畫許玄度王逸少謝安石支道林四人

像作東山圖玄度超然萬物之表見于眉捷逸少藏  
手袖間徐行若有所觀安石虜度秀澤著屐反首與  
道林語道林羸然出其後引手如相酬酢皆得其意  
於俯仰走趨之間筆墨簡遠妙絕一時無住道人少  
規模伯時為余臨寫真贗殆不可辨更數十歲安知  
天下不有兩伯時曰各為之贊曰  
場眉軒然意軼萬里亦將為往而竟斯止曰遠遊者  
以是為游疾走息陰彼將安休

右許玄度



翰墨之娛以寫萬變不償一倦  
笑戟山扇袖手縱觀  
我行故遲豈以懷祖樂以透迤

右王逸少

韞玉于山燁然不枯我觀此容非山澤儒却顧何為  
東山之陟如何淮淝乃折以履

右謝安石

一世所臣顛倒軒裳是身何依獨委支郎從容三人  
亦躡其後人誰無言聊一舉手

右支道林

法眼禪師真贊

八萬四千大悲寶目問以多目孰為正觀惟阿那律  
無目而視問此真目畢竟安在是法眼者猶為金屑  
有法無眼有眼無法稽首道師五蘊皆寂悲觀慈觀  
等大圓鏡頽然方牀如夢中事山河大地一切消隕



石林居士建康集卷第三

書後

書高居實集後

元祐未余與居實同舉進士試春官教往未舅氏晁  
無咎家時張文潛為右史二公一時後進所推尊每  
得居實文皆擊節稱賞不已居實試別頭文潛適主  
文居實果擢第一胡右丞欽宗夫見其所賦主聖臣直  
聲言于衆曰此豈賦耶殆有韻陸宣公奏議爾時國  
論頗厭文弊初復唐宏辭科居實首中選後為第一



於是名稱日聞已而坐上書排黨論久不得調卒邑  
邑不得志以死余後不復見居實然間有出其所為  
詩文者每見每竒始天下名文章稱无咎文潜曰晁  
張無咎雄健峻拔筆力欲挽千鈞文潜容行靖深獨  
居實之文氣和而思遠言約而理暢超然常出事物  
之外而觀者每有餘味故人以為似文潜紹興己未  
余守建康居實之子紹持其遺文一編相示兵火散  
亡之餘所存益十一覽之太息追數往游俯仰如前  
日事居實之志既不得伸於生以著後世者惟其文  
字又不幸不得盡傳于後為可哀已乃書其後歸之  
且以嘉紹之能不墜其業也

書明皇吹簫圖後

此周昉畫家舊有南唐摹本筆蹟如屈髮今亡之矣  
其傍有海棠一枝寧王坐其左執板者黃幡綽也此  
本出梁仲謨家僅存其五六爾明皇末年暇口自適  
但如畫中亦安得有馬嵬事耶紹興庚申二月十二  
日夕陰初晴為山亭與何彥發同觀

書鄒氏志

欽宗

曾祖陰德詩後



某初任為丹徒尉獲拜忠公蔭尚少辱引與論當世  
事及立朝行己大方諄々累數百言如訓子弟至今  
不敢墜也今觀此詩知公之節有自來矣而復能推  
其所以與人獨私其身君子之愛人有若是乎  
人惟不知陰德故以善為不足為而不為以不善為  
可為而無不為是欺天也陳平自謂多陰謀後世即  
廢至魯孫何果失國後力營之終不復得而于公以  
決獄之故責報于定國如執左契取寓物天人之間  
此特其小者耳忠公碩大光顯既已有驗於前而位  
不配德臧孫達方將有後于魯此書不但邨氏傳寶  
其家願與天下強為善者共之也

書傷寒治要後

王仲弓人物高勝雖貴公子超然不犯世故居官數  
自免博學多聞尤長于醫又與前世委昌言常頴士  
來道方諸人游嘗云疾之傷寒所在無歲不罹其患  
然治法有證傳于經絡効于日數者不可差以毫釐  
張仲景書在世如法家有刑統苟用之皆當可使天  
下無冤人而庸醫多不解其見于形候者亦不盡審



是既不能用法又不能察情以故殺人不知其幾何  
曰推仲景書作傷寒證治發明隱奧雜載前數人議  
論相與折衷又恐流俗不可偏曉復取其簡直明白  
人讀而可知者刊為治要曰苟能原疾之所從來而  
驗之以候按吾書而用之雖不問醫十可得八九此  
仁人之用心也余嘗病東南醫尤不通仲景術及為  
鏤版與衆共之使家藏此書人悟以術豈特無冤人  
而已調護之不失其宜服餌之不失其節雖使至於  
無刑可也賢者尚無忽

書陸探微師子畫後贊

陸生板畫天下惟以本初留建康境中唐太和聞李  
文饒鎮浙西徙至鎮江甘露寺余猶及見焉元符初  
甘露火板亦隨燼常恨絕跡世不復見忽有得東坡  
所摹以獻會府治草堂成因傳寫為照壁屏之陰筆  
墨之妙雖不可追然尚可想其髣髴亦存建康故事  
之一云

書方勺雲茅漫錄後

仁聲余少時識之場屋中博學多聞不專為舉子文



詞尤刻意作詩客揚州帥丞相蘓公子容厚禮之喜  
交當世名士遇其所合傾家資具饌歌呼飲酒窮日  
夜士亦以樂從之游家坐是貧仁聲不悔也既老結  
廬吳興西溪之上日誦杜子美詩至何時一茅屋送  
老白雲邊欣然以為與其意會乃名其居曰雲茅菴  
平生詩文甚多皆隨手散去不復錄獨取近歲所存  
藁次為雲茅漫錄十卷余鎮建康仁聲年七十六矣  
間聞自吳興特來見余意氣尚不衰曰吾亦安用此  
尚使後來居是溪者知有吾姓名尔兵興以來四方  
游舊零落殆盡存者不過三四人仁聲又居同郡時  
時數往來其可無一言然仁聲自言嘗從方士得服  
氣煉形法其貌瘠而不枯風月勝時好事者能數載  
酒往其為雲茅之儲固未已也乃書其後歸之

書唐李弼告後

右晉州刺史李弼告紙書字細如蠅頭皆已漫滅其  
僅可辨者如以余見唐告多矣未有以紙書者按唐  
罷領宮詞居吳下後闕







時固已患直道為難行而毀譽之不可信然人之有善君子未嘗不樂道其得譽常多至居下流天下之惡必歸焉其毀之者必衆則直道雖不可盡行于天下而天下終不能廢直道方致道齟齬於初一夫搖之不能自立及其久也雖非其素所厚善亦莫敢不謂然其善之效欤今觀其文精確深遠議論皆本仁義而經緯錯綜之際則左丘明班孟堅之用意也至於詩章兼得唐中葉以前名士衆體晚而在朝雖不久遇所建明尤偉蓋其為人剛介自信擇於理者明

所行寧失之隘不肯少貶以從物是以善類皆相與推先惟恐失雖有不樂之者亦不敢秋毫加病信乎直道之不可終屈也嘗哀次平生所為文欲屬余為序會兵興不果後遇火焚棄殆盡稍復訪集尚得十四五而益以近所著為四十卷夫天既以是假致道矣乃不使盡暴其所長病庫杜門里中且十年豈在人者猶可以力致而天反不能相之與不可知也紹興十年詔重修哲宗史復起致道領其事力辭疾不拜而以其前欲屬余者請之堅甚致道之文固待余



言而後著也乃先衆人而知之深者莫若余乃為論  
其本末歸之致道名俱今為左朝請大夫徽猷閣待  
制提舉亳州明道宮云

石林居士建康集卷第三

石林居士建康集卷第四

記

細書閣記

孔子曰仕而優則學，而優則仕古之君子未嘗一  
日不學也故傳記告高宗亦曰念終始典于學而譬  
學于殖不殖將落者原伯魯之所優也建康承平時  
號文物都會紹興初為守官大兵之後屯戍連營城  
郭藪為榛莽無復儒衣冠蓋嘗求周易無從得於是  
凜然惧俎豆之將墜勉營理學校延集諸生得軍賦



建康集卷四  
餘緡六百萬以受學官使刊六經後七年余復領留  
鑄市廛五方雜居生聚之盛雖非前日比然詢漢唐  
諸史尚未也顧余老且荒廢亦安所事簡策念漢初  
去孔子氏尚未遠一更秦亂而書亡五十一篇詩亡  
六篇周禮冬官盡亡經且如是而况其他屋壁之藏  
幸得保有餘其至于今尚存者學士大夫相與扶持  
傳習之效也今四方取向所亡散書稍、鏤板漸多  
好事者宜當分廣其藏以備萬一公厨適有羨錢二  
百萬不敢他費乃用編售經史諸書凡得若干卷廳

事西北隅有隙地三丈有奇作別室上為重屋以遠  
卑濕為之藏而著其籍於有司退食之暇素習未忘  
或時以展誦因取太史公金匱石室之意名之曰細  
書閣而列其藏之目於左右後有同志日月增益之  
愈久當愈多亦足風示吾僚使知仕不可不勉于學  
干戈將息而文治興有民人社稷者亦皆思讀書無  
重得罪於吾先君子之言云

府事記

先王以武定天下必以文終之江漢宣王南征之詩



也其言甲兵車馬之盛備矣至於未乃曰矢其文德  
洽此四國治道豈不有本末乎衛靈公問陳孔子曰  
俎豆之事則嘗聞之矣軍旅之事未之學也子豈以  
軍旅為不足學哉以為知所以為俎豆則軍旅無不  
可為雖曰我戰則克可也漢高帝悉定楚地獨魯不  
下引天下兵欲屠之魯中諸儒尚講誦習禮絃歌之  
音不絕遂不敢加而待其服大道之行固有不期然  
而然者孰謂魯諸儒而能折高帝推而上之舜舞干  
羽而有苗格謂之誕敷文德無足恠者蓋禮義之在

人心莫不皆有苟未至于絕滅不幸喪失雖至于犯  
上作亂徐返其本亦必悔而知變善為治者可待之  
以變而得所向不可期之以絕滅而終不返則文德  
其可一日廢于天下乎學校固禮義之所從出而斯  
文之所先也建康領江左八州之地於東南為大都  
會異時文獻甲于他方舊有學在州之巽隅更罹兵  
火城郭鞠為丘墟獨學宮巋然僅存顏垣敗壁毀壓  
相藉生徒奔散博士倚席不講紹興二年其始以安  
撫大使分鎮方時自淮以北裂為盜區蜂屯豕突擊



鼓相聞蓋欲葺而未暇後七年大駕還錢塘詔以建康為曲都蒙恩復昇居守視事之明年輯寧荒殘流已稍復民益安業於是喟然曰可以有是於學矣乃命其屬因舊址盡徹而新之起己未孟冬訖庚申仲春凡五月為屋百二十有五間闢其南向以面秦淮增斥講肄列置齋廬高明爽塏固有加于前不侈不陋不及庖園罔不畢具既又作小學于大門之東復命有司諏典禮簿正祭器作新冕黼皆中程式覈其田之在屬邑募民耕者千九百十五畝歲入其賦為

米若苴與麥五百四十斛有奇坊之得自酤者三區歲入其課為錢百八十萬有奇地之占府城得佃而居者八十有五所歲入其租為錢六百七十五萬有奇名為圖藉以時輸之凡廩給之費無有欺匿乃以上下釋奠于先聖前期率郡執事齋于西序蓋諸生無不從視滌省牲惟謹昧旦夙興籩豆在列香酒靜嘉幣篚潔嚴史告時至以次就位且笏垂紳珮玉鏗鏘降登伏興卒事無違禮成受釐嘑爵于作觀者數百人皆駭其所未見無不太息感動退而揖所與



祭者而告曰嗚呼子衿之作鄭人之所恥也是不知  
在鄭何公然傳載然明欲毀鄉校子產不可則當子  
產時鄉校蓋復存是鄭之學未嘗終廢有子產則能  
興之焉四方用兵踰十年學校之列于郡國者其亡  
與存我不敢知唯夫子以仁義勤儉治天下克復大  
業願與中外休息還之承平者蓋終食不忘也上帝  
監觀不能歸我河南之地兵革漸息惟舜宣王之德  
於茲將興吾邦號陪都視定鼎郊廓實為宗周是亦  
風化之首其復有學自今始肉食者其可不推子產

之為鄭以求先聖眷之俎豆之意相與先後輔成吾  
君之志布衣常帶亦必有宏達英偉之士拔于草萊  
接踵繼起由以而出以共濟一世者子大夫尚勉之  
皆曰唯遂為記刻之石後來者其有攷焉

### 建康掩骼記

建康承平時民之籍於坊郭以口計者十七萬有奇  
流寓商販游手往來不與建炎己酉冬虜既大入十  
一月壬戌南渡自漂水徑趨浙西其偽太師張真奴  
分兵五百薄建康宰相杜充率麾下北去知府事陳



邦光以城降虜由是未盡肆其虐別築城于西南隅以居取城中器械子女金帛儲之禁吾民毋得出州城明年夏回自浙東五月復至建康與所留兵合丙午入城始料其強壯與官吏以兵圍守於州之正覺寺散取老弱之遺者悉殺之縱火大掠越三日府事民廬皆盡乃擁衆去凡驅而與俱者十之五逃而免者十之一死于鋒鏑敲榜者益十之四城中頭顱手足相枕籍血流通道傷殘宛轉于煨燼之間猶有數日而後絕者官軍繼收復又二十烏鳶所殘風雨所

蝕阡陌溝渠暴骨充斥行者更踐蹙居者雜臥起與瓦礫荆莽相半也紹興辛亥天子在會稽秋大饗明堂詔凡虜所破州縣暴骨之未殮者官為募為僧若道者收瘞累數至二百則得度於是州之寺五得其肄業精勤者二十人益以貧民之餓者食而佐之度城四隅高原隙地各為穴以待藏出羨穀二百斛錢三百萬以給費為籍日校其所獲以時檢察之人欣然將樂效力閱十九日得全體四千六百八十有七斷折殘毀不可計以全者又七八萬以次入于



穴而城中之骸畧盡十二月甲子遂瘞虜之殘酷不  
道載籍以來未之有也惟天子仁聖將為斯民請  
命于上帝而不得則猶欲及其既腐之餘首文王葬  
枯骨而天下歸心其葬未必廣也推其所葬以及其  
所不葬而天下知其可以王矣秦穆公越國而伐人  
及其敗也能封其尸君子猶許以霸天生斯民必使  
之生養蕃息以享其終禍福與奪實將聽之其曰得  
乎丘民可以為天子殺一不辜雖得天下不為者名  
之曰好生之德然則自虜荐食中國奪天之所享而

殘之蓋不為量數而吾

天子方推其所以好生者

一二而叔之于後天固享之矣合以億兆無辜之  
冤則必有聞者虜之亡其無日乎凡穴深廣皆二  
丈以其四之三藏骨其一實于土其上封皆高一丈  
在西門清涼寺之南茶山之下者二北門張王廟之  
西北麟地山之下者二南門官道之西越臺之下者  
二東門官道之北齊安寺之西者二合八家督役者  
兵馬鈐轄拱衛大夫寧州防禦使張禧都巡檢武翼  
郎王利檢察者安撫大使司准備差遣奉議郎安自



求迪功即沈正路工畢以狀上尚書明年二月禮部  
給牒而度者華嚴寺五人能仁寺五人保寧寺五人  
清涼寺三人壽寧寺二人

○ 建康府保寧寺輪藏記

維摩氏極天下之辨而反之于默其為法名之曰不  
二夫不二即一矣不言其一而言不二豈以一猶為  
有在者欤道未始有二也既以有物不得不裂為二  
彼自為二而吾強欲一之必有廢其一以成其二者  
非道之全也要有非一而不二者存焉爾何特維摩

氏為然孔子曰有鄙夫問于我空之如也我叩其兩  
端而竭焉空之云者豈有物實之者哉然有意其墮  
於一也則扣之以兩端蓋維摩氏所謂不二法叩之  
兩端而知其所解則以吾之所知證彼之所知可一  
舉而盡矣之人也謂之鄙夫則可謂之君子則不可  
佛以無所言而為一切衆生無所不言以為有言不  
言是顛倒見以為無言不言是斷滅見孰能辨其非  
一而不二者乎自漢永平為佛者始持其書入中國  
由晉宋歷唐至于今不絕梵語華言更相發明傳其



學者又從而申衍之其說遂充滿天下輯而藏之皆  
設為峻宇高甍雕刻彩繪脩衆寶以為飾竭衆巧以  
為工苟可莊嚴者無不至梁普通復有異人為之轉  
輪以運之其致意深矣吾少時見四方為轉輪藏者  
無幾比年以來所至大都邑下至窮山深谷號為蘭  
若十而六七吹蠡伐鼓音聲相聞襁負金帛踵躡戶  
外可謂甚盛然未必皆達其言尊其教也施者假之  
以邀福造者因之以求利浸之日遠其本建康府保  
寧寺嘗承平時于江左為名刹更兵大久廢今長老

懷祖守其故址於煨燼之餘十有四年堂殿門廡追  
復其舊而一新之最後作轉輪藏余鎮建康時見其  
始經營後四年余歸石林祖以書來告曰藏成矣幸  
得記其本末蓋祖以正法眼傳其心其為人潔而通  
靖深而敏非徒以有為作佛事者也乃為推其師之  
言合諸儒之說正佛之所以言以曉世俗之弊祖當  
益以是振之夫方無所言則維摩氏之默如大阿難  
等得道受記諸大弟子皆不任問病及其無所不言  
則雖觀世音亦從聞所聞而入甬乃寺之興廢係其



時人之施舍係其力有不必記故不書

書為山亭石上

紹興辛酉正月兀术以衆二十萬入寇壬戌度淮據  
合肥二月辛未淮西宣撫使軍出征癸酉渡江是夕  
敗賊前鋒壁歷陽丙子又敗之于舍山戊寅又敗之  
於巢縣己卯又敗之辛巳復寇和州又敗之午壬又  
敗之於全椒癸未甲申又連敗之于關口丙戌又敗  
之于仙宗丁亥又敗之于柘臯己丑遂敗兀术於店  
步復合肥庚寅王師入廬州賊盡過淮奔乙未班師

乙卯獻俘于王所江南東路安撫制置大使葉某記  
祝文

到任謁先聖文

某聞鄉飲之禮雖不足解平城之圍而魯人絃歌之  
聲或可以却秦盜文德之州久矣某學無所成干戈  
之際再臨舊治絜齋款謁有愧平生惟俎豆在列延  
見諸生追求在泮獻馘之意使無子衿城闕之嘆猶  
不敢不勉惟先聖尚鑒臨之

到任諸謁廟文



其頃者待罪以邦初無以事神而和其民今去之七年上不以其不能詔俾復臨舊治而益之留鑰之重其有愧于神多矣強敵未殄民之彫瘵尚多往者不及而來者未知免蓋惕然未敢安惟陰隲一方用佑相其封守則神固有常德而某實預受其賜以猶竊恃以苟朝夕者神尚顧之勿忘

祈雨寶公塔文

某入境問民疾苦皆曰自春雨澤僅足播種而未洽口五月不雨至于<sub>今</sub>禾之將秀者蓋病矣比連日雖霑

油雲之潤而境內猶不徧及閔之憂在于旦暮歷旬不繼則民必有受其害者用是惕然不敢安惟至人無心與法皆一遠邇何擇孰非慈哀願矜憫迫之情特施廣大之惠使民得益蘇于彫殘安輯之餘則某亦庶幾免咎于勉強蒞事之始誠意殫盡此言必聞

祈晴寶公塔文

惟我邦人仰依法廕迫窮赴愬凡有急而必歸艱厄更嘗蓋無求而不應今慈淫潦殆已彌旬苟期暮之



未回必高旱之皆病願宏普濟俯鑒羣情萬億有藏  
亟被秋陽之暴十千並耦終償歲事之成庶俾豐穰  
益蘇彫瘵

祈晴諸廟文

去歲夏旱民力未蘇今春牛疫繼之南畝之艱亦已  
至矣而連月陰霖不已復將害于秋成方中原有興  
王師在塗調戩戎戍無非出于民者歲或不稔公私  
皆病神豈重用之乎靈鑒不遠有禱必聞懇迫之言  
不待再三尚祈昭荅在此朝暮願同彫瘵均受神禧

謝晴寶公塔文

口春多雨懼有害于梁盛歸命控祈竊仰干於慈廕  
亟蒙昭格盡歸陰霾歲有麥禾稍愈疲民之望官藏  
困廩更寬慢吏之憂大施無邊頌言莫罄

謝晴請廟文

其待罪此邦歲月將再凜然念民事之艱未嘗終日  
敢忘比以陰沴失常預申虔請不踰旬浹卒荷鑒臨  
寒氣既藏陽光訖見農夫之慶已若有秋敢祇薦于  
菲誠尚有祈於終惠



祈雨諸廟文

眷茲江壖例若愆亢適惟敝邑雨澤以時布種既周  
秋成可望尚須霑霈以訖有收願推濟物之慈更廣  
油雲之施仍均遠邇咸獲豐穰豈徒一邦獨受大賜  
尚祈孚鑒克諒菲誠

再祈雨諸廟文

古者謂吁嗟求雨為雩皆請于山川百源而春秋得  
而書大雩皆在建午建未建申之月是知水旱豐凶  
雖天有數苟精意以禱山川之靈亦必應之其待罪

此邦無政及民于神之誅則已多矣重惟一方兵火  
之餘春夏以來雖幸穡事偶周而亢陽為災時澤不  
繼苟復困之盖有不勝憂者用是惕然臥不安席詢  
口耆舊編宗于境內神祇昔魯僖公有憂民之心春  
秋歷月不雨則書而文公之怠歷時絕一書豈惟不  
容于王法亦以見神厭其德而弗之福其之譴尤固  
無所逃若其區々未忘于民則尚惟聰明俯鑒朝暮  
之間賜以霑渥無俾重為民病乃罪罰當降于身則  
不敢辭



謝雨送洞府龍神文

早曠之憂慄々危懼徧宗百神曾莫肯顧粵惟神龍  
呼吸雲霧是惟其職奔走往訢敢勤于行救以朝暮  
風馬在塗若聞指呼一兩三日潤壑流注焦稿盡興  
如手親拊敢曰時澤實惟膏乳愧我不德孰逃神怒  
仰懷威靈自以民故莫寧拜賜尚弗我吐功成不言  
載肅徒御躬率邦人言餞于路鼓鐘嘲轟旂纛翩舞  
神德在人既飽既哺我獨何為永鏤肺腑

謝雨諸廟文

秋穀將登時雨不繼念驕陽之方亢恐失時和仰神  
聽之不遥輒傾城請絜躬以俟決日干茲凜然朝夕  
之憂弥切雲霓之望訖蒙霈澤惠以有年惟神念民  
固重矜其久困頌我不德亦仰被于深仁卮酒告誠  
廟貌如在永言思報不解愈恭

祈晴諸廟文

去歲夏旱害于秋成民窘艱食日延頸而望幸免溝  
壑者惟此一麥而已入春以來淫雨不正歲且三月  
懼不克濟則乏絕之憂僅在旦暮敢以肴酒請于有



神莫憫彫殘稍回陰沴豈惟寬吏之責得以苟安亦  
以戴神之休其將無已

祈雨請寶公入城文

兵戈之後十室九空公私所須惟在南畝苟或罹于  
一歉即坐致于百艱幸慈春夏之交適獲雨暘之節  
疲氓盡力布種稍周懼迫驕陽尚資時澤敢祈覺力  
重憫凋殘特紓愆亢之憂賜以霑濡之惠遺秉滯穡  
豈惟足一時婦子之求積廩高囷庶以償十年溝壑  
之患精誠所扣妙應無方

謝雨送寶公還山文

歷月不雨徧宗百神卒歲之憂僅在十日輒以吁嗟  
之精仰于慈濟之仁爰舉舊章載迎遺像翕然雲霧  
即見于崇朝霈以甘膏不踰于旬決神龍效職帝命  
不違救焦稿于垂成整彫殘于既弊敢以往來之相  
竊窺妙智之功惟我邦人夙依慧蔭疾痛而呼父母  
有感必聞沈溺而援航舟無求不獲自今以始不敢  
懈虔尚念鄰邦猶多懇請法慈無礙豈爾疆圉界之  
殊民意所須皆東作西成之望願均以施普及含生



祈晴寶公塔文

江干下濕水潦所鍾春雨過期麥苗將病重軫勤民之意敢忘先事之憂法施無方雖微不間民情所向有請必聞願除陰沴之災亟正時陽之氣庶安疲俗復享豐年

祈雪諸廟文

日已至矣二麥在田嗣歲之須時雪未降方嚴疆事民力尚艱懼迫常賜敢以預告願施霑渥以軫彫殘區々以心屢干神聽惟其終惠無替厥初

祈雨諸廟文

其待罪此邦行三年矣無政及民而神每相之雨暘以時歲常有秋故當艱難之際彫瘵稍蘇公私兼濟者神之賜也今淮甸用師之後上方經理中原調度所須孰非出于民者旬月以來常暘為沴宿麥將刈穀種未播人以早告是用惕然雖抱病不敢安于室起而有請徧宗山以百靈曰斯民之困久矣天既厭亂剪除妖孽克復王業適在今日然必先得年而後可濟其奔走從事相與祇承帝命豈惟群有司



之職神亦預有責焉尚以朝暮賜之餘澤使無失其  
西成之望神之為貺盖有待于他時者惟無替其常  
德

祈雨請寶公入城文

亢陽為孽必在春夏之交饑饉所憂常當師旅之後  
方淮壩之罷警適雨澤之不時麥苗之須朝夕是惧  
雖徧支群望預竭吁嗟之求非歸依大雄孰協慈悲  
之應仰憑覺力洞鑒惻誠憫其卒歲之危惠以崇朝  
之施少安彫瘵兼濟公私

謝雨送寶公還山文

時暘之病仰慈大悲膏雨之施遂周沃日耒耜兢起  
溝壑可逃雖宏濟之心無可言謝而迫窮之請有愧  
於中仰止靈山旋歸寶室傾城邦賜莫寓斯民之誠  
行道載歡已卜豐年之慶惟其昭事願竭此心

謝雨送洞府龍神文

比之亢陽往干時澤惠然肯臨為我心惻雲車始興  
百靈並趨決日五雨無稿不蘇愧我非德何以邦賜  
有呼必聞則惟神志往餞於塗旗纛有光我心孔懷



建康集卷四  
曷日而忘惟天與君靡民不育惟我與神皆民之牧  
願廣此心各竭幽明俾歲如茲永慰民生

祈雨寶公塔文

頃迫春耕控祈未幾茲緣民病復敢有言念此疲氓  
方安舊業開口待哺惟茲耕耨之勤盡力撫循猶有  
溝壑之慮豈容仍歲不獲有秋已愆布種之期重軫  
曠瘼之責敢逃屢賣曲冀垂慈法施無邊固未忘於  
終惠危誠易感尚有俟於崇朝

祈雨諸廟文

布種失時民以病告兩暘之節惟神是司敢以吁嗟  
之求而冒聰明之鑒誠意既迫在此旦暮之間靈既  
俯臨不難指顧之惠竭誠懇請指日為期

謝雨寶公塔文

民生孔艱自貽災沴法施無盡終荷憫慈今茲踰月  
之間屢控無年之懼卒霑大賜頓釋羣情難名廣大  
之功惟切歸依之志

謝雨諸廟文

比迫農時亟以早告亦既踰月將害染盛卒蒙霽霈



之祥盡消枯槁之患仰非明德孰惻危誠報德之心  
無物以稱有年之賜尚鑒不忘繼自斯今益虔祇事  
庶扶天造共保遺黎

祭文

徽宗皇帝祭文三首

天步初艱為中原而遠狩帝鄉不反傾率土以纏哀  
逝聞靈御之還彌切遺弓之慕威容如在偉烈具存  
叅帝王步驟之餘皆期力致接天地混茫之化獨以  
心成俄興無妄之災莫測蓋高之意雖神遊八極固

無爾界之殊而夢錫九齡終屈羣生之望臣頃持從  
橐嘗迹垂旒永懷未報之恩攀髯已遠徒抱無窮之  
戀隕涕何追

留守司

應期撫運悼歷數之有終紹業承休仰威靈之如在  
神遊不返伏衛未還爰追在宥之初實際承平之運  
典章文物繁方冊以其存華夏蠻夷莫海隅而咸服  
豈期禍變橫起遐陬撫恒嶽以北巡既窮朔易越函  
關而西度寧間流沙俄成脫屣之遊莫極垂衣之化



建康集卷四  
臣拘廩郡綬阻造靈輜泣血書辭固難名于大造銘  
心戴德徒自結于孤忠

建康府

神凝帝所孰測真游澤在人心難忘孺慕望鑿與之  
來復追玉几之始馮力圖斯民寧憚戎車之駕歸格  
藝祖莫聞清蹕之音痛裂五情哀纏九土載念憂勤  
之蹟尤高繼述之功周歷更傳方賴延洪之緒克仁  
廣被尚懷過密之思臣拘守封圻阻趨伏衛攬涕蒼  
梧之野陳迹空存馳心分水之陽餘生永已

祭謝侍郎文

仕以學優業以志勤我行四方所居必群克踐斯言  
夫誰易君如耕硯田既菑既芸剪其蒿根待以雨露  
及夫既登廩實不蕢如營大厦撲斲斧斤取材鳩工  
自楠及栲逮夫成落丹雘惟文念初相從不寐載欣  
豈曰邂逅婚姻之云君亦謂我皂白太分肯獨我知  
掇彼澗芹一紀于茲世方糾紛顧瞻茫々邈其無垠  
孰極孰援蕩其稜氣孰闢孰除獵其麋麇中夜起難  
臥不及所謂自折衝豈惟三軍文武天子允集大勳



擢君不次發其清芬豈弟之政人飽其饋溫厚之誠  
士沐其醴胡不少留遽殞江濱奉計失聲心焉如焚  
五尺之旌三尺之墳已乎遂慈往者如雲豈無善類  
孰為藉薰嗟我老矣童頭駑筋念昔許我並鄰桑枌  
今幾何時倏閱朝暉君不可還徒懷蒿焄古今同然  
逝波沄沄尚有以辭君乎猶聞

祭韓運使文

忠憲之德博厚溫恭左右仁祖既有顯庸是生康公  
至于莊敏宜其孫曾百世不泯侃々大夫莊敏之孫

盜然慈和克紹其門宣和丁亥從我許下二十二季  
如閱晝夜持節西來再見江瀕從遊彫零存者幾人  
謂當周旋握手未幾一病莫留遽告不起君晚聞道  
湛然虛明臨訣告我曠無遺情夢幻去來君亦何有  
我獨悲傷哀以朋舊勉以時服祭以家蔬君像在堂  
甚瘠而癯味君之言僅隔晨夕殞涕陳辭尚君來食

祭周大夫文

文安手足同產五人其四先亡非君孰親石林藏山  
同一雪濱百里而近實相為鄰我雖老矣來往莫頻



語言相聞意則甚真君晚自言得妙谷神扶不死藥  
可閱大椿云何不淑遽蛻躡塵幻化固然孔懷婚姻  
四十三年如越暝晨中間憂樂曷可具陳凌雲超然  
一笑天鈞揆君之知寧計此身我獨何為淚落霑巾  
緘辭寓哀百念酸辛

祭淨山主文

我奠先君于卞之麓遂將終焉因以卜築惟時導師  
凜若水玉惠然我從實慰出獨而居既成左松右竹  
為山水牯各自放牧浩歌相逢不唱無續俯仰三紀

倏如轉轂今者何為棄我不復愧生滅想未免凡俗  
無縫之塔照映巖谷是第一祖開山老宿子孫無忘  
尚見遺躅欲知其勤視以喬木

顯祖贈太師惠公國焚黃文

其待罪建康之二年上不以為無能過錄其勞進職  
資政殿大學士禮得通贈二代是歲大享明堂賜我  
顯祖爵而詔之曰爾祖實浮于名莫克寃厥蘊惟爾  
慈孫嘗登揆路用肇開國于惠以陰庇于嗣人某隕  
越感泣懼無以承天子休德兩私竊自幸我顯祖



之遺烈餘懿實獲暴耀九泉屬以再留閩寄不獲躬  
致奠謁夙夕不敢寧謹遣曾孫男右宣義即充江南  
東路安撫制置大使司書寫機宜文字模奉告歸省  
虔薦于墓道尚惟明靈鑒格某不勝悽愴慘噎之至

顯考贈太保焚黃文

某不孝弗獲盡養於我顯考使之耄期百年終身之  
憂未嘗一日而忘尚惟天子仁聖時得追賁九泉  
潛德懿行猶以表見後世頃初預聞政事驟越常典  
進位少師後凡四當大禮有司限止法仍守舊秩去

歲秋明堂禮成以其忝資政殿大學士於是始開公  
爵有太保之命幽顯存歿其寵綏之六已至矣而某  
終無以奉承先訓仰圖報塞徒感悼震越不遑寧處  
復蒙誤恩再守畝鑰不能即歸省謹遣孫男右宣義  
即充江南東路安撫制置大使司書寫機宜文字模  
躬造墓下明靈不昧尚克鑒臨某引領東望涕淚悽  
愴不知所言



石林居士建康集卷第四





